

Ахборот - маълумот хизматлари кўрсатиш шартномаси № С/32

« 05» 04 2021 й.

Тошкент ш.

« ASIA CAMPUS » МЧЖ Бош директори Бегимкулов И.А Устав асосида фаолият юритувчи, келгусида «БАЖАРУВЧИ» деб номланувчи, бир томондан ва жисмоний шахс сифатида 124 124 124 паспорт серияси АС2447871 12.12.2001й 34г2332г томонидан берилган, келгусида «БУЮРТМАЧИ» деб номланувчи иккинчи томондан, умумий тартибда «Томонлар» деб номланувчилар, алоҳида эса «Томон» деб номланувчи, мазкур шартномани қуйидагилар юзасидан туздик:

1. Шартнома предмети

1.1 Бажарувчи, Буюртмачига мазкур шартноманинг 1.2-бандида кўрсатилган масалалар буйича ахборот-маълумот хизматлари кўрсатишни ўз зиммасига олади, Буюртмачи эса ўз навбатида ушбу хизматларни қабул қилиш ва хизматлар қийматини тўлиқ тўлаш мажбуриятини олади.

1.2.Мазкур шартнома предмети Бажарувчи томонидан Буюртмачига қуйидаги хизматлар кўрсатишдан иборатдир:

- Ўзбекистон Республикаси ҳудудидан ташқаридаги Давлат ва Нодавлат олий таълим муассасалари, халқаро олий таълим муассасаларига бакалавриятга ва магистратурага ўқишга кириш шартлари юзасидан дастлабки маслаҳатлар бериш, ҳамда мавжуд маълумотига оид ҳужжатларга таалуқли булган меъёрий талаблар ҳақида маълумотлар бериш;

- чет эл олий таълим муассасаларига ўқишга кирувчи абитуриентлар учун, олий таълим муассасаларига кундузги, сиртқи ва масофавий ўқишга кириш шартларида олий таълим муассасанинг тиллар ва бошқа фанлар бўйича билимларига қўйилган талаблари ҳақида дастлабки маслаҳатлар бериш;

- ҳужжатларни йиғиш ва расмийлаштириш тартиби масалаларига оид маслаҳатлар бериш;

- абитуриент номидан ва унинг манфаатида Ўзбекистон Республикасидан ташқаридаги таълим муассасалари билан музокаралар ўтказиш, унинг ҳужжатларини жамлаш ва олий таълим муассасасига юбориш ёки абитуриент номидан ва унинг манфаатида бошқа барча таълим муассасалардан ҳужжатларини қайтариш жараёни бўйича маслаҳат бериш;

- абитуриент номидан ва унинг манфаатида бошқа барча таълим муассасалардан ҳужжатларини қайтариш жараёнини ташкиллаштириб бериш;

- олий таълим муассасаларига online (онлайн) тарзда ҳужжат топширилишига кўмаклашиш;

- олий таълим муассасаларига абитуриент ҳужжатларини асл нусхасини етказишда ва топширишда кўмаклашиш;

- Ўзбекистон Республикаси ҳудудидан ташқаридаги давлат олий таълим муассасалари томонидан абитуриентнинг ўзининг давлатида олинган таълим тўғрисидаги ҳужжатларини тан олиш учун нострификациядан ўтказиш тартиби бўйича буюртмачига тушунтириш бериш;

- абитуриент танлаган йуналишлар бўйича презентациялар ташкил этиш.;

- Туркия, Сингапур ва Россия давлатларидаги олий таълим муассасаларини ўқиб ўша давлатларда тамомлаган талабларни ишга жойлаштириш бўйича амалий ёрдам бериш

2.Томонларнинг ҳуқуқ ва мажбуриятлари.

«Бажарувчи» ўз зиммасига қуйидаги мажбуриятларни олади:

2.1. Мазкур шартнома бажарилиши чоғида «Буюртмачи» дан олинган маълумотлар бўйича катъий сир сақлаш мажбурияти;

2.2. Агар томонлар ўртасида бошқача усул келишилмаган бўлса, хизматлар Бажарувчининг ўз кучлари билан бажарилади.

Бажарувчи қўйидаги ҳуқуқга эга:

2.3. Бозор иқтисодиёти конъюнктурасига кўра боғланган ҳолда, хизмат харажатлар нархлари қимматлашгани ва (ёки) Ўзбекистон Республикасида энг кам иш ҳақи тўловлари ўзгариши муносабати билан Буюртмачининг ёзма розилигисиз бир томонлама мазкур шартноманинг умумий қиймати миқдорини кўпайтириш томонига ўзгартиришга ҳақли.

Буюртмачи ўз зиммасига қўйидаги мажбуриятларни олади:

2.4. Банк хизматларини тўлаган ҳолда пул маблағларини ўтказиш (тўлаш), шунингдек мазкур шартноманинг 3-чи бандига мувофиқ ҳолда буюртмачи бажариш билан боғлиқ бўлган Бажарувчининг барча харажатларини қоплаш.

2.5. Керакли маълумотларни олиш учун Бажарувчини ўз вақтида барча зарурий ҳужжатлар ва маълумотномалар билан таъминлаш.

2.6. Ўзбекистон Республикаси ҳудудидан ташқаридаги давлат олий таълим муассасалари томонидан абитуриентнинг ўзининг давлатида олинган таълим тўғрисидаги ҳужжатларини тан олиш учун зарурий нострификациядан ўтказишни таъминлаш.

Буюртмачи қўйидаги ҳуқуқга эга:

2.7. Мазкур шартноманинг 1.2-бандида назарда тутилган масалалар бўйича тўлиқ, объектив ва ҳақиқий маълумот-хабарномалар олиш.

3.Шартнома қиймати ва ҳисоб-китоб тартиби

3.1. Бажарувчи томонидан кўрсатиладиган хизматлар миқдори, келгусида «шартнома миқдори», 1 111 (12) сумни ташкил қилади. Мазкур шартноманинг 3.1-бандида кўрсатилган шартнома қийматининг 100% миқдори Буюртмачи томонидан Бажарувчининг ҳисоб рақамига пул маблағларини кўчириш (ўтказиш, тўлаш) йўли билан шартнома тузилганидан сўнг 5 (беш) банк кунидан кечиктирмасдан амалга оширилади.

3.2. Пул маблағларини қайтариш тартиби шартноманинг 2.4-бандига асосан амалга оширилади.

3.3. Бажарувчининг ҳисоб рақамига пул маблағлари тўланиб, бажарилган хизматлар (амалга оширилган маслаҳатлар)дан сўнг Буюртмачи томонидан Бажарувчининг хизматларидан воз кечиши мазкур шартнома бўйича тўланган пул маблағларини қайтариш учун асос бўла олмайди.

3.4. Буюртмачи мазкур шартноманинг 3.1 ва 3.2-бандларидаги шартнома қийматини белгиланган муддатларда тўламаган ёки ўз вақтида тўламаган ҳолда Бажарувчига тўланмаган қийматининг 0,5% миқдоридан ҳар бир кечиктирилган (кечиктирилаётган) кун учун пеня тўлайди, аммо пенянинг умумий миқдори тўланмаган қийматининг 50% дан ошмаслиги лозим.

4.Томонларнинг жавобгарлиги

4.1. Мазкур шартнома бўйича хизматлар бажарилмаган тақдирда Бажарувчининг жавобгарлиги юзага келади. Қўйидаги ҳолатларда шартнома бўйича хизматлар бажарилмаганлиги Бажарувчининг жавобгарлигини юзага келтирмайди:

- Буюртмачи томонидан ўз вақтида барча зарурий ҳужжатлар ва маълумотномалар билан таъминланмаганда;

- Буюртмачи томонидан Ўзбекистон Республикаси ҳудудидан ташқаридаги давлат олий таълим муассасалари томонидан абитуриентнинг ўзининг давлатида олинган таълим тўғрисидаги ҳужжатларини тан олиш учун зарурий нострификациядан ўтказишни таъминламаганда;

- Буюртмачи билан боғлиқ бошқа ҳолатларда;

4.2. Буюртмачига учинчи шахслар томонидан ўз вақтида ҳужжатлар тақдим қилинмаганлиги учун Бажарувчи жавобгар бўлмайди. Буюртмачининг айби билан шартнома бажарилиши

кечиктирилганлиги, мазкур шартноманинг 3.1 ва 3.2-бандларига оид ўз вақтида тўловлар амалга оширилмаганлиги, мазкур шартноманинг 2.6 -бандига оид абитуриентнинг ўзининг давлатида олинган таълим тўғрисидаги ҳужжатларини тан олиш учун зарурий нострификациядан ўтказилиши таъминламаганлиги ёки мазкур шартноманинг 1.2-бандига оид ҳужжатларни тақдим қилиш муддатлари узайтирилиши мазкур шартнома бўйича тўланган пул маблағларини қайтариш учун асос бўла олмайди.

4.3. Бажарувчининг ҳуқуқи:

4.3.1 Бозор иқтисодиёти конъюнктурасига кўра боғланган ҳолда, ҳизмат харажатлар нархлари қимматлашгани ва (ёки) Ўзбекистон Республикасида энг кам иш ҳақи тўловлари ўзгариши муносабати билан Буюртмачининг ёзма розилигисиз бир томонлама мазкур шартноманинг умумий қиймати миқдорини кўпайтириш томонига ўзгартиришга ҳақли.

4.3.2 Буюртмачи мазкур шартноманинг 3.1 ва 3.2-бандларидаги шартнома қийматини белгиланган муддатларда тўламаган ёки ўз вақтида тўламаган ҳолда Бажарувчига тўланмаган қийматининг 0,5% миқдорида ҳар бир кечиктирилган (кечиктирилаётган) кун учун пеня тўлайди, аммо пенянинг умумий миқдори тўланмаган қийматининг 50% дан ошмаслиги лозим.

5. Форс мажор ҳолатлари.

5.1 Мазкур шартнома тузилиши чоғида назарда тутилмаган ва шартнома тузилгандан сўнг вужудга келган енгиб бўлмайдиган кучлар таъсири тўғридан-тўғри ёки бошқача усулда мазкур шартноманинг бажарилишига тўсқинлик қилса ва уларни бартараф этиш чоралари бўлмаса (топилмаса), томонлар мазкур шартнома бўйича мажбуриятлар қисман ёки тўлиқ бажарилмагани учун жавобгарликдан озод этиладилар.

5.2. Мазкур шартноманинг 5.1-бандида кўрсатилган ҳолатларга қўйидагилар киради: уруш эълон қилиниши ва ҳарбий ҳаракатлар бошланиши, табиий офатлар, эпидемия ва пандемиялар, мазкур шартноманинг предмети оид ҳукумат қарорлари ва ҳоказолар.

5.3 Мазкур ҳолатлар вужудга келган ҳолда томонлар 10 (ун) календар куни мобайнида ёзма шаклда иккинчи томонни ушбу ҳолатлар, уларнинг тури ва давомийлиги тўғрисида ҳабардор қилишлари шарт. Агарда ушбу томон мазкур ҳолатларга дуч келганда иккинчи томонни ҳабардор қилмаса, ушбу ҳолатларга асосланишдан маҳрум қилинади. Шартноманинг мазкур банди билан назарда тутилган ҳолатлар вужудга келганда ва шартноманинг 5.3-бандидаги талаблар бажарилган ҳолда, томонлар шартномавий мажбуриятларнинг бажариш муддатларини мазкур ҳолатларнинг давомийлиги даврига узайтирадилар.

5.4 Агарда қайд этилган ҳолатлар 3 (уч) ойдан кўп муддатда давом этаверса, томонлар биргаликда мазкур шартнома бўйича келгусидаги юридик муносабатларни белгилайдилар.

5.5 Мазкур шартномани бажариш чоғида вужудга келадиган низо ва зиддиётлар имкон даражада томонлар ўртасида музокара йўли билан ҳал қилинади.

5.6 Музокара йўли билан ҳал қилинмаган тақдирда низо ва зиддиётлар суд тартибида Тошкент шаҳар Фукаролик ишлари бўйича туманлараро судида кўриб чиқилади.

6. Қушимча шартлар

6.1 Шартнома томонлар имзолаганидан сўнг ва шартноманинг 3-бўлимида назарда тутилган тўловлар Буюртмачи томонидан тўлиқ ҳажмда амалга оширилганидан сўнг кучга киради.

6.2 Мазкур шартноманинг амал қилиш муддати 31.12.2021 йилгача.

6.3 Мазкур шартноманинг 1.2 ва 2.3 бандларида назарда тутилган ишга жойлаштириш жараёни бўйича талаба олий таълим муассасаларини ўша давлатда муваффақиятли тамомлаб келган вақтда ушбу шартнома қайта кучга киради.

6.4 Томонлар ўртасида мавжуд бўлган, аммо мазкур шартномада назарда тутилмаган барча оғзаки келишувлар мазкур шартнома имзоланганидан сўнг ўз кучини йўқотади.

6.5 Мазкур шартномада назарда тутилмаган масалалар Ўзбекистон Республикасининг амалдаги

қонунчилиги асосида ҳал қилинади.

6.6 Шартномага қўшимча ва ўзгаришлар ёзма шаклда томонлар имзолаган ҳолда ҳақиқий ҳисобланади.

6.7 Мазкур шартнома бир ҳил юридик кучга эга икки нусхада тузилди ва ҳар бир томонга бир нусхадан берилди

7. Томонларнинг манзиллари, реквизитлари ва имзолари

« ASIA CAMPUS » МЧЖ Манзил: Тошкент шаҳар Шайхонтоҳур тумани Фуркат кучаси 16-уй. Банк: АТИБ «Ипотека банк» Шайхонтоҳур филиали х/р 20208000905338583001 ИНН: 308116441 МФО: 00425 Менеджер тел: Шартнома булими тел: 97 735 00 94	Ф.И.Ш.
	124 124 124 паспорт серияси AC2447871 12.12.2001й 34r2332r
	Тел : +99815 125 25 25
 Директор: И.А.Бегимкулов	Шартноманинг барча бандлари билан тўлиқ танишиб чиқдим ва у кирилл алифбосидан тузилганлигидан хабардорман. <hr/> (имзо) 124 124